

ԵՐԵՎԱՆԻ ԲՆԱԿԱՉՈՒԹՅԱՆ ԷԹՆԻԿԱԿԱՆ ԿԱԶՄԻ  
ԵՎ ԹՎԱՔԱՆԱԿԻ ՓՈՓՈԽՈՒԹՅՈՒՆՆԵՐԸ 1600—1724 թթ.

Մ. Մ. ԿԱՐԱՊԵՏՅԱՆ

Հայաստանի էթնոքաղաքական, սոցիալ-տնտեսական և մշակութային պատմության առանցքային պրոբլեմների լուսաբանման գործում կարևոր նշանակություն ունի Լրկրամասում բնակչության էթնոգրաֆիկական կազմի և իրադրության, նրանց փոփոխությունների ուսումնասիրությունը: Տվյալ դեպքում մեզ համար որոշակի հետաքրքրություն են ներկայացնում Արևելյան Հայաստանի խոշորագույն քաղաքներից մեկի՝ Երևանի բնակչության էթնիկական կազմի և թվաքանակի փոփոխությունները XVII—XVIII դդ., երբ այն համարվում էր Իրանի հյուսիս-արևմտյան վիլայեթներից Չուխուր-Սաադի (հետագայում՝ Երևանի խանություն) վարչական կենտրոնը: Հետաքրքրությունը պրոբլեմի նկատմամբ աճում է նաև քաղաքի բնակչության էթնիկական կազմի վերաբերյալ եղած կարծիքների հակասականությամբ<sup>1</sup>: Ինչպես սովետական, այնպես էլ արտասահմանյան պատմագրության մեջ, երբեմն հիմնականում նույն աղբյուրագիտական հիմքից, հայտնվել և այսօր էլ շարունակում են հայտնվել իրարամերժ կարծիքներ: Սակայն չափազանց ուշագրավ է, որ քաղաքի բնակչության էթնիկական կազմի վերաբերյալ աղբյուրների տեղեկությունները քննելիս ուսումնասիրողներից ոչ մեկը հաշվի չի նստել միջնադարյան քաղաքի հասարակական ֆունկցիաներն արտահայտող կառուցվածքային (բերդ, բունքաղաք կամ բնակավայր, պարիսպներ) առանձնահատկությունների հետ:

Դեռևս Վ. Վ. Բարտոլդը Վ. Ա. Ժուկովսկու «Развалины старого Мерва» աշխատության<sup>2</sup> հրատարակության առիթով խիստ քննադատել է աղբյուրների տեղեկությունների նկատմամբ այսպիսի վերաբերմունքը: Քննադատության պատճառը պարսկա-արաբական աղբյուրներում քաղաքի կառուցվածքային տարբեր մասերի ֆունկցիոնալ առանձնահատկությունները արտահայտող միշտ անբավարար միջնադարյան օգտագործումն էր, չնայած նրանց ունեցած կոնկրետ ու որոշակի բովանդակությանը: Տվյալ երևույթի հետ մեկտեղ պետք է հաշվի առնել նաև աղբյուրների տեղեկություններում բազմիցս հանդիպող տերմինի բազմանշանակ օգտագործումը: Բնորոշ օրինակ կարող է ծառայել XVI—XVII դդ. ուսական աղբյուրներում «город» տերմինի գործածությունը: Այն միջնադարյան հասարակության պայմաններում կարող էր նշանակել և՛ պաշտպանական ամրություն (ամրոց, բերդ) կամ այդ ամրության ներսում

<sup>1</sup> Այստեղ բավարարվում ենք նշելով հետևյալ հիմնական գրականությունը. Դ. Ալիշան. Այրարատ, բնաշխարհ Հայաստանեայց. Վենետիկ, 1890, էջ 299—320; Ե. Շահադիզ. Հին Երևանը. Երևան, 1931; Թ. Հակոբյան. Երևանի պատմությունը (1500—1800 թթ.). Երևան 1971, յ. 373-374. აღმოჩენილი ამავე პერიოდის ქალაქები XVI—XVIII საუკუნეებში. თბ. 1976; К. К. Куц и Я. Города Восточного Закавказья в XV—первой половине XVIII вв. Автореферат докт. дисс., Тбилиси, 1975; А. П. Новосельцев. Города Азербайджана и Восточной Армении в XVII—XVIII вв.—История СССР, 1959, № 1. с. 87—108.

<sup>2</sup> В. В. Бартольд. К истории Мерва.—Сочинения, т. IV, М., 1966, с. 172—193.

<sup>3</sup> Մեղինա՝ բուն քաղաք կամ սկզբնական քաղաքային բնակատեղի, բուհենդի՝ ամրոց. որը կարող էր գտնվել ինչպես մեղինայի ներսում, այնպես էլ դրսում, ուրաթ՝ քաղաքը եղրափակող պարիսպներն արվարձանների հետ միասին՝ կամ միայն արվարձանները (ի հայադրություն «բուն քաղաքի»), ուստակ՝ ղյուղախումբ քաղաքի շրջակայքում և այլն:

եղած բնակավայր, և՛ առանձին բնակավայր, իսկ երբեմն էլ՝ այդ երկուսը (город և посад) միասին<sup>4</sup>:

Նույն երևույթը նկատվում է նաև Երևանի բնակչության վերաբերյալ եղած սկզբնաղբյուրների տեղեկություններից քննելիս: Ուսումնասիրությունը ցույց է տալիս, որ կարծիքների հակասականությունը պայմանավորված է և՛ հիշյալ տեղանիքների միանշանակ օգտագործմամբ, և՛ քաղաքի ու բերդի բնակչության վերաբերյալ սկզբնաղբյուրներում առկա տեղանիքների շփոթվածությունը, որ ժամանակի աղբյուրներում «քաղաք» (ville, Stadt, bourg և այլն) անվանումը հաճախ տրվում էր բերդին, ուր նստում էին խանը, քաղաքային իշխանությունները, ապրում էր քաղաքի կայազորը, այն դեպքում, երբ բուն քաղաքը (բնակավայրը) հաճախ արձանագրվում էր որպես «արվարձան» (Vorstadt, faux-bourg և այլն), ընայած երբեմն նշվում էր նաև, որ վերջինիս տարածքը մի քանի անգամ գերազանցում է բերդի տարածքին: Եվրոպական ուղեգրություններում հանդիպում են նաև տեղեկություններ, որտեղ այս երկու հասկացությունները շփոթվում են միմյանց հետ կամ նույնիմաստ տեղանիքով նշանակվում են միաժամանակ և՛ քաղաքը, և՛ բերդը: Դա դիտելի է, օրինակ, XVII դարի 20-ական թթ. Հայաստանում կաթոլիկություն տարածելու առաքելությանը ճանապարհորդած հայր Ֆրիսկի մի հաղորդման մեջ. «Les habitants de ce pays sont Arméniens chrétiens et ils vivent surtout dans les bourgs, car les villes sont prises par les Mahometans, qui y tiennent garnison et y ont la domination»<sup>5</sup> («այս երկրի բնակիչները քրիստոնյա հայեր են և ապրում են հատկապես քաղաքներում (bourgs), որովհետև բերդերը (villes) գրավված են մահմեդականների կողմից, որոնք այնտեղ իշխում և կայազորներ են պահում»): Բերված հատվածում ակնառու է երկու նույնիմաստ բառերի միաժամանակյա օգտագործումը, սակայն տարբեր նշանակությամբ (bourg—քաղաք, բնակավայր, ville—բերդ, ամրոց):

Առանց նման տեղանիքանական տարբերակումների դժվար է ուսումնասիրել քաղաքի բնակչության էթնիկական կազմը, հաշվի առնելով, որ այս տեղանիքների հետ է կապված քաղաքի բնակչության վերաբերյալ յուրաքանչյուր հիշատակություն<sup>6</sup>:

Ըստ ուսումնասիրողների XVI դարում Երևանը համարվում էր Մերձավոր Արևելքի ու Կովկասի ամենամիատարր էթնիկական կազմ ունեցող քաղաքներից:

<sup>4</sup> А. М. Сахаров. О термине «город» в источниках XVI в.—В кн.: Общество и государство феодальной России (Сборник статей, посвященный 70-летию акад. Л. В. Черепнина). М., 1975, с. 62—66; Я. Е. Водарский. Города и городское население России XVII в.—В кн.: Вопросы истории хозяйства и населения России XVII в. Очерки по исторической географии XVII в. М., 1974, с. 48—116.

<sup>5</sup> Voyage d'Orient du R. P. Philippe de la Très Sainte Trinité..., Lyon, 1669, ր. 90. Հմմտ. S. Kévorkian. Témoignages de voyageurs sur le peuplement de l'Arménie au XVII<sup>e</sup> s.—Revue des études arméniennes, Nouvelle série, t. XV, Paris, 1981, p. 442.

<sup>6</sup> Ձեռքի տակ չունենալու պատճառով չենք օգտագործել XVII դարում Երևան այցելած հետևյալ հեղինակների ուղեգրությունները՝ I. Gemelli-Careri (J.-F.). Voyage du tour du monde Paris, 1719, 6 vol. 2. Pouillet. Nouvelles relations du Levant qui contiennent diverses remarques forts curieuses non encore observées touchant la religion, les mœurs et la politique de plusieurs peuples. Avec une exacte description de l'Asie Mineure ou Natolie, des deux Arménie, du Courdistan, du Diarbek et autres Provinces méditerranéennes de l'Asie, du Royaume de Perse, etc. Paris, 1668, 3. Chillon G. de. Relations nouvelles du Levant ou traité de la religion, du gouvernement et des coutumes des Perses, des Arméniens et des Maures. Lyon, 1671.

րից մեկը, ուր բնակչության բացարձակ մեծամասնությունը հայեր էին<sup>7</sup>, XVI դարի երևանի բնակչության թվի և էթնիկական կազմի ուսումնասիրման համար չափազանց մեծ արժեք կարող է ունենալ օսմանյան իշխողների կողմից 1591 թ. (999 թ. հշր.) կազմված Երևանի էյալեթի հարկացուցակը (թահրիր դեֆթեր), որը, սակայն, առ այսօր անտիպ է և պահվում է Ստամբուլի Başvekalet arşivi-ում<sup>8</sup>:



Երևանը ըստ Տավերնիեի 1682 թ. հրատարակության

Երևանի բնակչության թվի մեջ որոշակի փոփոխություններ կատարվեցին XVII դարի առաջին քառորդում, պայմանավորված ուղիղումով ռազմաքաղաքական իրադրության սրմամբ և շահ Աբբաս I-ի անդրկովկասյան արշավանք-

<sup>7</sup> Յ. ՅՄՍՍՍ, ԵՄՍՍՍ, ԵՄՍՍՍ, 83. 13—14; К. К. Куприя. Указ. соч., с. 8. Քաղաքի բնակչության թվի վերաբերյալ ուշագրավ է Դոն Խուան Պարսկաստանցու (XVI դ. վերջ—XVII դ. սկիզբ) այն գիտողությունը, ըստ որի թե՛ Երևանը, թե՛ Գանձակը ունեին յուրաքանչյուրը 250 հասար ծուխ ազգաբնակչություն: Այստեղ հեղինակը քաղաքին է վերագրում ողջ Նահանգի բնակչության թիվը, սակայն մեզ համար կարևորը այն է, որ Նա երկու քաղաքների բնակչության թիվը հավասար է ցույց տալիս: (Don Juan of Persia. A Shi'ah Catholic 1560—1604. Translated and edited with an Introduction by G. Le Strange. London, 1926, p. 41, 42. Սիդոնի եպիսկոպոսի հաղորդման համաձայն 1587 թ. «Մեծ Հայքում» կաթողիկոսի իրանաւոյնյան տակ կալին ավելի քան 260 հազար, իսկ Սսի կաթողիկոսի՝ 20 հազարից ավելի հայ ընտանիքներ (Relation de l' évêque de Sidon. Rapport sur les deux patriarches arméniens et leur nation.—Revue de l'Orient chrétien, vol. 3, Paris, 1898 (reprint 1966, N. Y.), p. 330, 333). Հազիվ թե ընդունելի լինեն Կ. Կուլցիայի այն հաշվարկները, որոնց համաձայն «XVI դարում Երևանի բնիկ բնակչության թիվը պետք է լիներ 5—8 հազար, իսկ Գանձակինը՝ 15—20 հազար» (Յ. ՅՄՍՍՍ, ԵՄՍՍՍ, ԵՄՍՍՍ, 83. 7; К. К. Куприя. Указ. соч., с. 7).

<sup>8</sup> Tapu 633: Հստ այս հարկացուցակի բաղաբը բաղկացած էր 8 թաղերից (տե՛ս İslam ansiklopedisi. Cilt 4, İstanbul, 1964, s. 311), Թուրքական թահրիր դեֆթերները՝ որպես բնակչության թվի և էթնիկական կազմի ուսումնասիրման աղբյուրի մասին տե՛ս J. Kāld y-Na g y. Bevölkerungsstatistischer Quellenwert der Üzye-Defter und Tahrir-Defter.—Acta Orientalia, Budapest, 1960, t. XI, p. 253—269.

<sup>7</sup> Հանդես, № 2

ների ժամանակ հայ ազգաբնակչության բազմիցս կազմակերպված բռնագաղթներով Ուսումնասիրողների կարծիքով ընդհանուր առմամբ տեղահանվեց մոտ 500—600 հազար մարդ, որից մոտավորապես միայն 250 հազարը կարողացավ հասնել Իրան<sup>9</sup>։ Բռնագաղթից զերծ չմնաց նաև Երևան քաղաքի բնակչությունը։ Առաքել Դավրիժեցու վկայությամբ, 1604—1605 թթ. Երևանում նոր նշանակված Ամիրզունա խանին (զաչար ցեղի աղշա-դոյունլու օյմաղից)<sup>10</sup> հանձնարարվել էր «յաաուկ ֆաղաֆին Երևանայ և Երկրին Արաբաաու և Եդրին մերձակայ մասնավոր գաւառացն»<sup>11</sup> բնակչության տեղահանությունը։ Երևանից, ինչպես նաև Գանձակ, Թավրիզ, Արդեբիլ քաղաքներից բացառապես հայ բնակչության բռնագաղթ կազմակերպվեց նաև 1618 թ., երբ ռեզիդենտ թուրք-պարսկական պատերազմներից ու բազմիցս կրկնված բռնագաղթներից խուսափելով, հայ բնակչությունը ապաստան էր գտել հիշյալ քաղաքներում։ Դավրիժեցին (էջ 455—456), խոսելով այդ բռնագաղթի մասին, հաղորդում է, որ շահի հրամանով «գնացին նորին իշխանքն բազում գօրօք ի ֆաղաֆն Երևան և ի գաւառս Եդրա, ի Գեանշայ և ի գաւառս, Թարվէզ և ի գաւառս նորա, յԱրտափլ և ի գաւառս նորա և սկսան քննութիւն և որոնումն առնել ի մէջ ազգին Հայոց, թէ որ ոք իցէ բնիկ բնական ի հարց և ի հաւուց տեղական, և որ ոք ոչ, ալ յալլմէ աշխարհէ՝ եկամուտ և ժողովածու. զբնիկսն թողին, և ղեկամտացն զամենեցուն զանուանսն գրեցին ի քարտիսի, և կացուցին ի վերայ նոցա յազգէն Հայոց պետս և վերակացուս և անուանեցին զնոսա Մելիք, և նոցա հանձնեալ աւանդեցին յամենայն ժողովուրդսն, զի թէ ոք պակասեցի ի գրեալ ժողովրդոցն փախստեամբ կամ ալլով կերպիւ. նոքա գանալ ածցեն ի գումարս ժողովրդոցն, և թէ ոչ գտցեն, ինքեանք լիցին պարտաւորք թագաւորին և արժանիս սպանանելոյ։ Արդ՝ այսպիսի օրինակաւ զամենեւեան հանին ի բնակեալ տեղեացն՝ և վարեալ տարան ի Պարսկաստան»։

Եթե XVII դարի սկզբի շահաբբասյան բռնագաղթները որոշ փոփոխություններ առաջացրին Երևանի բնակչության թվի մեջ, ապա քաղաքի բնակչության էթնիկական կազմում լուրջ տեղաշարժեր տեղի չունեցան։ Այն սկսեց համալրվել հայ բնակչության ներհոսքի շնորհիվ և քաղաքային կյանքը փաստորեն կանգ չառավ<sup>12</sup>։

Քաղաքի, ինչպես նաև ողջ Արարատյան երկրի բնակչության թվի ավելացման գործում մեծ դեր ունեցավ Երևանի Ամիրզունա (1604—1625) և Թահմասպ-դուլի (1625—1635) խաների ժավալած գործունեությունը։ Արարատյան երկրում Ամիրզունա խանի վերանորոգչական աշխատանքներից առաջինը Զաքարիա Քանաքեռցին համարում է այն, որ նա ձիսկոյն ձեռն էարկ շինութեան և մարդաշատութեան<sup>13</sup>։ Վերոհիշյալ խաների մի շարք արշավանքները Արև-

<sup>9</sup> Լ. Գ. Դանելյան. Առաքել Դավրիժեցու երկը որպես Սեֆյան Իրանի XVII դարի պատմության սկզբնաղբյուր. Երևան, 1978, էջ 103—106։

<sup>10</sup> Վերջերս հրատարակված մի հոդվածում Ամիրզունան հայտարարված է «խալամացած գրացի», որ անշուշտ սխալ է (տե՛ս Ե. Սարգսյան. Հին Երևանի հիշատակությունը հայ մատենագիրների մոտ.— «Էջմիածին», 1983, Ա, էջ 39)։ Ամիրզունայի մասին տե՛ս History of Shah 'Abbas the Great (Tārik-e 'Alamara-ye 'Abbasi) by Eskandar Beg Monshi. Translated by Roger M. Savory. Boulder, Colorado, Westview Press, Vol. II, 1978, p. 833, 847, 1311. Հմտ. Ա. Դ. Папазян. Аграрные отношения в Восточной Армении в XVI—XVII веках. Ереван, 1972, с. 53

<sup>11</sup> Պատմութիւն Առաքել վարդապետի Դավրիժեցույ. Վաղարշապատ, 1896, էջ 40։ Հովհաննես Մակվեցու վկայությամբ պարսիկները քաղաքն այնուհետև կրակի են մատնել (տե՛ս Ալիշան. Այրարատ, էջ 302)։

<sup>12</sup> Հայկական հոծ բնակչության փաստն են նշում քաղաքում և նրա շրջակայքում պահպանված հայերեն շինարարական արձանագրությունները, թվագրված 1609, 1621, 1624, 1633, 1641—42 թթ. (տե՛ս Կ. Ղաֆադարյան. Երևան։ Միջնադարյան հուշարձանները և վիժական արձանագրությունները. Երևան, 1975, էջ 232, ժամանակագրական տախտակ)։

<sup>13</sup> Հաքարիա սարկաւազի պատմագրութիւն. հ. 1, Վաղարշապատ, 1870, էջ 45։ Այս աշխատության մեջ հետաքրքիր վկայություններ կան Արևմտյան Հայաստանից գերվող և Արարատ-

մրտյան Հաջաստան և այնտեղից հայ բնակչության տեղափոխումը Արարատյան դաշտի գյուղերը (Քալար, Գոկգումբեթ, Կավակերտ, Սապատ և այլն) չէր կարող չնպաստել հայ տարրի ավելացմանը նաև Երևանում, որը հիմնականում «սնվում էր» շրջակա հայ գյուղերի հաշվին։ Միանգամայն ճիշտ գնահատելով Ամիրգունայի և նրա որդու՝ Թահմասպ-ղուլիի գործունեությունը, Հ. Փափաղյանը նկատում է. «Հայության վերաբնակեցումը ոչ միայն տնտեսական, այլև պետական-քաղաքական տեսակետից խիստ կարևոր էր։ Ինչպես գիտենք, հետագա տասնամյակներում և հատկապես XVIII դարի սկզբներին, թուրքական ներխուժման ժամանակ, դարձյալ հայերն էին, որ համառ դիմադրություն գույց տվին օսմանցիներին»<sup>14</sup>։

Ամիրգունա խանի կողմից ամրացվում է նաև Երևանի բերդը և ուժեղացվում նրա կայազորը ի հաշիվ Իրանի Ատրպատական (Ադերբայջան) և Արաղ (պարսկական Իրաք) շրջաններից հրավիրված թուրքական ցեղերի։ Դեպքերի ժամանակակից իսկանդար Մունշու վկայությամբ «իր հպատակներից և ենթակա մարդկանցից նրանց, որոնց նկատմամբ նա (Ամիրգունա խանը—Մ. Կ.) առավել վստահություն ուներ, տեղավորեց բերդի ներսում, իսկ մյուսներին բնակեցրեց բերդից դուրս [քաղաքում] և ավերակ գյուղատեղերում։ Ադերբայջանում գտնվող տարբեր էլիերից, ուլուսներից և թարաքամաններից շատերին նա համոզեց ու բռնեց Երևան, Կաջարների Աղջա-կոյունլու օյմաղին և Մուսասողի Բայաթ էլին, որոնք բարձրագույն հրամանի համաձայն Արաղից հատկապես եկել էին ծառայելու նրան, բոլորին էլ Երևանի ու Շարուրի հարմար վայրերում յուրդեր ու կշլաղներ տվեց»<sup>15</sup>։ Ինչպես երևում է բերված հատվածից, թուրք քուլդոր տարրը ամենևին էլ չի բնակեցվել քաղաքում և չէր էլ կարող այդպիսի լինել։

Ադրբայջանի քաղաքի բնակչության էթնիկական կազմում որոշակի փոփոխություններ չեն նշում նաև 1635 թ. օգոստոսի 8-ին թուրքական Մուրադ IV սուլթանի կողմից քաղաքի գրավման հետ կապված<sup>16</sup>։ Բերդի գրավումից հետո նրա պարսկական կայազորը դուրս հանվեց և փոխարինվեց թուրքականով։ Ադրբայջանի վկայությունները պարտված և բերդից վտարված պարսկական կայազորի թվի վերաբերյալ բավականին հակասական են։ Առավել վստահելի ենք համարում արշավանքի մասնակիցներից մեկի՝ Քյաթիր Չելեբու տեղեկությունները, «որոնց համաձայն Երևանի գրավումից հետո «Երևանի [բերդի] նախկին պաշտպան» Միր Ֆևտահ օղլու գլխավորությամբ բերդից դուրս եկան

յան աշխարհ՝ գաղթեցվող բնակչության էթնիկական կազմի մասին։ Հստ Զաքարիայի, Թահմասպ-ղուլի խանը, իր քալանթար Մասումին ուղարկելով Կարս, պատվիրում էր. «Ձի քէ Լեթ-տոնեսալ Էն-եօցես. խաղաղությամբ բերդես. իսկ քէ Տաճիկ, զառա կռառեօզես, և զէզա զե-րեսցես» (նույն տեղում, էջ 71)։ Այդպիսի արշավանքներից մեկի ժամանակ՝ կատարված խանի անձնակազմի ղեկավարությամբ, խանական արշավախումբը վերադառնում է շրջի ինքնանու-լով բաղում օսմանցիս» (նույն տեղում, էջ 87)։ Սակայն վկայությունների բացակայության պատճառով չենք կարող պնդել, թե գերիվարված մահմեդական ազգաբնակչությունը բնակեցվել է բուն քաղաքում։

<sup>14</sup> Հ. Փափաղյան. Օտար փոխապետությունը Արարատյան երկրում (Ժէ դար).—ՀՍՍՀ ԳԱ «Լրաբեր հաս. գիտ.», 1977, № 1, էջ 33։

<sup>15</sup> Նույն տեղում, էջ 32։ Տեքստը բերված է Հ. Փափաղյանի թարգմանությամբ։ Ուշագրավ է, որ այդ հատվածը այսպես է ընկալվել նաև նրա անգլերեն թարգմանչի կողմից (տե՛ս History of Shah 'Abbas the Great, vol. 2, p. 930)։

<sup>16</sup> Հստ Զաքարիա Քանաքեռցու պաշարումը տեկ է 9 օր (Զաքարիա սարկաւազ. եղվ. աշխ., հ. 2, էջ 6)։ Համաձայն դեպքերի ժամանակ թուրքական բանակում գտնվող Քյաթիր Չելեբու՝ թուրքական զորքերը արդեն Երևանի պարիսպների տակ էին 1635 թ. հուլիսի 29-ին, իսկ բերդի պաշտպանները հանձնվելու առաջարկով հանդես եկան օգոստոսի 8-ին («Джикан-нума» и «Фезлеке» Кятиба Челеби как источник по истории Армении (XVII в.). Пре-дисловие, перевод и комментарии А. А. Папазяна, Ереван, 1973, с. 119)։

և Արդեբիլ ուղևորվեցին 5—6 հազար հրացանակիրներ<sup>17</sup>։ Սուլթան Մուրադ IV-ը Երևանում թողնելով 12 հազարանոց զորք<sup>18</sup>, շարժվում է Թավրիզ։

1636 թ. վերջին շահ Սեֆուն հաշտվում է վերագրավել Երևանը։ Ճիշտ է, 1638 թ. թուրքական զորքերը Ղրիմի թաթարների հետ միասին ասպատակեցին Երևանի խանությունը, սակայն բուն քաղաքը այս անգամ նրանց ավերածություններից զերծ մնաց<sup>19</sup>։

Երևանի բնակչության էթնիկական կազմի ուսումնասիրման համար չափազանց արժեքավոր են XVII դարի Ֆրանսիացի ճանապարհորդ Ժ. Բ. Տավերնիեի տեղեկությունները Երևանի բերդի (ville) և քաղաքի (fauxbourg) բնակչության մասին։ Խոսելով բերդի (ville) մասին, ուր «խանն էր ապրում իր սպանների և զինվորների հետ միասին», Տավերնիեն միաժամանակ նշում է. «Երևանի թաղը (quartier), որը [բերդի] հյուսիս-արևմուտքում մի արվարձան (fauxbourg) է, ուր քսան անգամ ավելի ժողովուրդ կա, քան քաղաքում։ Սա բոլոր վաճառականների և արհեստավորների, ինչպես բոլոր հայերի ապրելատեղին է»<sup>20</sup>, իր կազմած Երևանի առաջին գծապատկերի բացատրագրում նա մեկ անգամ ևս կրկնում է. «Արվարձանը (fauxbourg) բնակեցված է քրիստոնյա հայերով»<sup>21</sup>։ Իր ուղեգրության մեջ մեկ այլ առիթով անդրադառնալով

17 К я т и б Ч е л е б и. Фезлеке, с. 147. Թուրք պատմարան Նայիման, օգտվելով Ջյա-թիր Չելեբու նշված աշխատությունից, բերդից հեռացած պարսկական զորքի թիվը մի դեպքում նշում է 12 հազար մարդ, մեկ այլ դեպքում՝ 2 հազար (տե՛ս Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին. Թարգմ., ներածություն, ծանոթագրություններ Ա. Խ. Սաֆրաստյանի. հ. Ա, Երևան, 1961, էջ 106, 107)։ Բերդում պաշարված պարսկական զորքը, որին, զրավումից հետո, սուլթան Մուրադը սենալ վնաս ոչ արարեւ, 12 հազար մարդ է համարում նաև Գրիգոր Դարանաղցին (Ժամանակագրություն Գրիգոր վարդապետի Կամախեցույ կամ Դարանաղցույ. Երուսաղեմ, 1915, էջ 518)։

18 К я т и б Ч е л е б и. Указ. соч., с. 149. Երևանում թողնված թուրքական զորքերի թիվը 40 հազար մարդ է նշում էվլիա Չելեբին, որն անշուշտ չափազանցություն է (էվլիա Չելեբի, Թարգմ., առաջաբան և ծանոթագրություններ Ա. Խ. Սաֆրաստյանի. Երևան, 1967, էջ 85։ Հմմտ.՝ Э в л и я Ч е л е б и. Книга путешествия (Извлечения из сочинения турецкого путешественника XVII в.). Перевод и комментарии. Вып. 3. Земля Закавказья и сопредельных областей Малой Азии и Ирана. М., 1983, с. 153). Հստ Դավրիժեցու, սուլթանը «ի նախարարաց իւրոց զոմն բարեբարոյ և խելացի իշխան՝ որում անունն էր Մուրթուզայ փաշա, հաստատեաց իշխան ի մէջ բերդին տասն և հինգ հազար սպառազէն և ընտրեալ հեծելօք» (Պատմութիւն Առաքել Դարիժեցույ, էջ 316—317. հմմտ. նաև Զաքարիա սարկաւազի պատմագրութիւն. հ. 2, էջ 6)։ Երևանում թողնված թուրքական զորքը Մուրթուզա փաշայի ղեկավարությամբ 1636 թ. արշավում է գերում է Նախիջևանի հայ բնակչությանը Դեպքերի ակա-նատես, հայ կաթոլիկ գործիչ Հակոբ Հիսուսի վկայությամբ «Մուրթուզա փաշէն գերացուց զա-ւառս, ԳՃԻ (320) գերի Ապարաններո գնաց և զամենայն սպանածն, տարածն, օրէնս դուս ելաւ Ռեճճ (1500) շան» (տե՛ս Մանր ժամանակագրություններ, XIII—XVIII դդ., կազմեց Վ. Հա-կոբյան. հ. 1, Երևան, 1951, էջ 196)։ Սակայն ինչպես երևում է Փիլիպոս կաթողիկոսի կողմից 1650 թ. շահ Աբբաս II-ին ներկայացված խնդրագրից, նա 200 թուման կաշառքով կանխել է հայերի գերեվարումը և թույլ չի տվել, որ «հայերից մեկ տոմ անգամ ցրվի և այլ տեղ գնա» (տե՛ս Մատենադարանի պարսկերեն վավերագրերը. 1, Հրովարտական, պրակ երկրորդ (1601—1650 թթ.), կազմեց Հ. Դ. Փափազյան. Երևան, 1959, վավ. 39, էջ 141)։

19 Ղրիմի թաթարների այս և հետագայում բազմիցս կրկնված ավարառու ասպատակում-ներն ու գերեվարումները նկատի ունեն Վ. Վ. Բարտոլդը, երբ գրում էր. «Ислам и на Кавказе делал успехи на счет христианства, притом еще в XVII в.: распространение ислама шло не только с юга, но и с северо-запада, из Крыма» (В. В. Бартольд. Мусульманский мир.—Сочинения, т. VI, М., 1966, с. 245).

20 Les six voyages de Jean Baptiste Tavernier, ecuyer Baron d'Aubonne, en Tur-que, en Perse, et aux Indes. Paris, t. I, MDCLXXIX (1679), p. 38.

21 J. R. Tavernier. Op. cit., n. 41. Ոչազրավ է, որ Տավերնիեի կողմից պատ-րաստվել են Երևանի համայնապատկերի մի քանի տարբերակներ, որոնց մեջ մեծ պլանով

այս հարցին, նա նորից շեշտում է. «Երևանը բնակեցված է բացառապես հայերով»<sup>22</sup>:

Տավերնիեի աշխատությունից օգտվելը միշտ էլ դժվարություններ է հարուցել Պատճառներից մի քանիսը ժամանակին նշվել են Մ. Ա. Պոլիսկոտովի կողմից. «Տավերնիեի անձնական դիտարկումները նրա կողմից չեն տարբերակված երկրորդ ձեռքից ստացած վկայություններից, ժամանակագրական



Երևանը ըստ Տավերնիեի 1679 թ. հրատարակության

հաջորդականությունը չի պահպանված՝ մեծ ժամանակահատված (1631—1668) ընդգրկող բոլոր վեց ճանապարհորդությունները շփոթված են միմյանց հետ»<sup>23</sup>: Վերջերս Մ. Զուլայանի կողմից նկատվեց նաև Տավերնիեի երկու մասի մասին Մանի և Գաբրիել Շինոնի աշխատություններից վերցված փոխառությունների փաստը<sup>24</sup>: Պետք է նշել, սակայն, որ այս դիտողություններից վերջինը ամենևին չի վերաբերում Երևանի նկարագրությանը, որն աչքի է ընկնում իր ինքնատիպությամբ և որևէ հեղինակի չի կրկնում: Սակայն առ այսօր հայագիտության մեջ տարակարծություններ կան Տավերնիեի Երևանում լինելու ժամանակի և դրանով պայմանավորված՝ նրա հաջորդումների հարցում: Ուսումնասիրողների կողմից մի դեպքում նրա այցը Երևան թվագրվել է «յառաջ քան զառումն օսմանեան»<sup>25</sup> (այսինքն մինչև 1635 թ.), մյուս դեպքում՝

պատկերվել են Երևանի առանձին մասեր (քաղաքը, րենդը և այլն): Այստեղ զետեղում ենք նրա գրքի 1679 և 1662 թթ. հրատարակություններից վերցված Երևանի գծապատկերի յուսանկարը: Լուսագրություն ենք փափիրում քաղաքում եռահարկ և երկհարկ տների առկայության վրա:

<sup>22</sup> J. B. Tavernier. Op. cit., p. 623 («Comme Erivan n'est habitée que par des Arméniens»).

<sup>23</sup> М. А. Полневков. Европейские путешествия XIII—XVIII вв. по Кавказу. Тифлис, 1935, с. 181.

<sup>24</sup> Մ. Կ. Զուլայան. Եվրոպացի հեղինակները Հայաստանի և հայերի մասին (XVI—XVIII դդ.). Աղբյուրագիտական ակնարկ.— Պատմա-բանասիրական հանգես, 1985, № 3, էջ 27:

<sup>25</sup> Ղ. Ալիշան. Այբարատ, էջ 303: Մեկ այլ աղբյուր Ալիշանը դարձյալ շեշտում է. «Շարտեն իբր 50 ամբբ լետ Դաւենիէի» (նույն տեղում, էջ 319):

1655 թ.<sup>26</sup> Ղ. Ալիշանը հավանաբար ելել է այն հանգամանքից, որ Տավերնին իր առաջին ճանապարհորդությունը սկսելով 1631 թ., արդեն 1632 թ. փետրվարին գտնվում էր Կոստանդնուպոլսում, մարտին՝ Թոխաթում, իսկ այնտեղից նա անցել է Էրզրում։ Էրզրումից մինչև Թավրիզ նրա անցած ճանապարհի ներկարագրությունը լիովին համընկնում է Էրզրում—Թավրիզ առևտրական երթուղու հետ, որը անհավասար անցնում էր Երևանով<sup>27</sup>, առավել ևս, որ ուղեգրության այդ հատվածում էլ հաստատվում է Երևանի նկարագրությունը։ Երկրորդ կարծիքի հեղինակները, Երևանի նկարագրությունը թվագրելով 1655 թ., նկատի են ունեցել հավանաբար այն հանգամանքը, որ այդ տարվա փետրվարին նա եղել է Երևանում, սակայն անուշադրության են մատնել Տավերնինի ոչ միայն վերը նշված 1632 թ., այլև 1664 թ. սեպտեմբերի 14-ի, 1668 թ. փետրվարյան այցելությունները Երևան<sup>28</sup>։

Տավերնինի Երևանի նկարագրության քննությունը ցույց է տալիս, որ այն արտացոլում է ոչ միայն 1632 կամ 1655 թթ., այլև նրա հետագա այցելություններից ստացած ընդհանուր տպավորությունները։ Եթե իր ճանապարհորդությունների միջև ընկած ժամանակահատվածներին վերաբերող նկարագրության ժամանակ նա մասամբ օգտվել է իր ժամանակի այլ եվրոպական աղբյուրներից<sup>29</sup>, ապա իր բացակայության ժամանակ տեղի ունեցած իրադարձությունները մյուս մասը նա փորձել է ճշգրտել Երևանում եղած ժամանակի հետո<sup>30</sup>։ Օրինակ է հետևյալ փաստը. իր երկրորդ այցելության ժամանակ նա փորձել է ճշտել 1635—1636 թթ. թուրքերի կողմից քաղաքի գրավման և պարսիկներին կողմից նրա վերագրավման հետ կապված մանրամասնությունները։ Արդյունքը հանդիսացել է քաղաքի իր կողմից կազմված գծապատկերում Երևանի թերթի պիմաց եղած բերդատիպ ամրության կառուցումը շահ Սեֆուն վերագրելը։

Այս և նման այլ օրինակներ թույլ են տալիս անելու հետևյալ եզրակացություններ։ Տավերնինի Երևանի նկարագրությունը չի արտացոլում միայն 1632 կամ 1655 թթ. վիճակը, այլ ավելի զինամիկ է, հեղինակի կողմից այն իր հետագա այցելությունների ժամանակ ճշգրտվել ու հարստացվել է և իրականում արտացոլում է նրա առաջին (1632 թ.) և վերջին (1668 թ. փետրվար) այցերի միջև ընկած ժամանակահատվածում Երևանի իրական պատկերը։ Այս պատճառով Երևանի Տավերնինի տված նկարագրությունը պետք է թվագրել ժամանակագրորեն ավելի լայն՝ 1632-ից մինչև 1668 թ., քանի որ ստույգ է նշված ժամանակահատվածի համար արտահայտելով քաղաքի զարգացման և նրա էթնիկական կազմի վերաբերյալ մոտ 40 տարվա տպավորություններ։

1647 թ. Երևան այցելած թուրք ճանապարհորդ էվլիա Չելեբու հաղորդումները թույլ են տալիս մոտավոր ճշգրտությամբ վերականգնել Երևան քաղաքի և բերդի բնակչության վիճակագրական պատկերը։ Համաձայն էվլիա Չելեբու՝ Երևանը «մոտ 3000 բերդապահ զինվորներ, 3000 խանի զինվորներ և 7000 էյալեթի զինվորներ ունի», իսկ բուն քաղաքում նրա հաշվումներով կային «մոտ 2060 հողածածկ տներ»<sup>30</sup>։ Էվլիա Չելեբու հաղորդումից կարելի է եզ-

<sup>26</sup> Ե. Բ. Շահազիզ. Նշվ. աշխ., էջ 122—123։ Բ. Հակոբյան. Նշվ. աշխ., էջ 332—333։

<sup>27</sup> Թավրիզ—Էրզրում առևտրական երթուղու մանրակրկիտ քննարկումը տե՛ս Վ. Փափազյան. Թավրիզ—Ջմյուռնիա առևտրական մայրուղու Թավրիզ—Էրզրում հատվածն ըստ Զաքարիա Աղույեցու «Օրագրության».—ՄՍՍՀ ԳԱ տեղաբեր հաս. գիտ., 1983, № 8, էջ 61—68։

<sup>28</sup> Այդ մասին տե՛ս Stéphane Yerasimos. Introduction dans «Jean-Baptiste Tavernier. Les six voyages de Turquie et de Perse». Paris, t. I, 1981, p. 10, 13, 16, 17, 21, 23.

<sup>29</sup> Օրինակ, իր իսկ հաղորդմամբ նա մասամբ օգտվել է «Nouvelle relation du sérail du Grand Seigneur, comprenant plusieurs singularités qui jusqu'ici n'ont point été mises en lumière» (Paris, 1675) աշխատությունից։

<sup>30</sup> Էվլիա Չելեբու. Նշվ. աշխ., էջ 85։ Эвлия Челеби. Указ. соч., с. 155. Այս տեղեկանքը բերված է նաև Ս. Մամեդովի կողմից, սակայն վրիպմամբ նշված է 2600 (С. М. а-

րակացնել, որ Երևանի խանության ունեցած 13 հազարանոց պարսկական զորքից<sup>31</sup> Երևանի բերդում էին գտնվում միայն 3000-ը («Բերդապահ»)։ Միաժամանակ պետք է նշել, որ բուն քաղաքում եղած «2060 հողածածկ տներում» մեր հաշվումներով պետք է ապրեին մոտ 3500 ընտանիք կամ ամենաքիչը՝ 17—20 հազար մարդ<sup>32</sup>, եթե քաղաքային ընտանիքի անդամների միջին թիվը ընդունենք 5—6 մարդ<sup>33</sup>։ Համեմատության համար բերենք Արևելյան Հայաստանի Ռուսաստանին միանալուց հետո կատարված մարդահամարի տվյալները, որոնց համաձայն Երևան քաղաքում կար 1730 տուն, ուր բնակվում էին 2751 ընտանիք<sup>34</sup>։

Էվլիա Չելեբու տվյալների քննարկումը ցույց է տալիս, որ վերանայելի է Կ. Կուցիայի հայտնած այն կարծիքը, թե «Երևանի բնակչությունը միայն XVIII դարի երկրորդ կեսին հասավ 15 հազար մարդու»<sup>35</sup>։ Միաժամանակ, եթե նկատի ունենանք Տավերնիեի վկայությունները, ապա կարելի է ենթադրել, որ քաղաքի 2060 տներում ապրում էր հիմնականում հայ բնակչություն։

1650 թ. նոյեմբերի 13-ին և հետագայում կրկին Երևան այցելած Դը լա Բուլե լը Գուլը<sup>36</sup> և Դը Լալենը 1665 թ. մայիսի 20-ին Երևանից լյուդովիկոս

медов. Исторические связи азербайджанского и армянского народов во второй половине XVII—первой трети XVIII в. Баку, 1977, с. 82), իսկ Թուրքական հանրագիտարանում՝ 2000 (Mirza Bala. Erivan.—Islam ansiklopedisi, cilt 4, Istanbul, 1964, s. 311)։

<sup>31</sup> Երևանի խանության սահմաններում եղած ողջ զորքերի թիվը 12 հազար մարդ են նշում նաև XVII դարի և XVIII դարի սկզբի եվրոպական աղբյուրները (տե՛ս Etat de la Perse en 1660, par le père Raphaël du Mans, supérieur de la mission des capucins d'Isphahan. Publiée avec notes et appendice par Ch. Schéfer. Paris, 1690, appendice XXII, p. 301 et suiv.; Sanson. Voyage ou relation de l'état présent du royaume de Perse. Paris, 1695, p. 106. Մանսոնի այս աշխատության բառացի կրկնությունը տե՛ս Le Febvre de Fontenay. Journal historique du voyage de l'ambassadeur de Perse en France. Février 1715. Paris, 1715, p. 62)։

<sup>32</sup> Ս. Մամեդովը էվ. Չելեբու հաղորդած տների (այլ ոչ թե ընտանիքների) թիվը բազմապատկելով 5—6 չոգով, ենթադրում է, որ քաղաքի բնակչությունը եղել է 10—12 հազար մարդ, որն աշուղտ սխալ է (С. Мамедов. Указ. соч., с. 82)։

<sup>33</sup> Ընտանիքի անդամների միջին թիվը տարբեր է Հայաստանի տարբեր ազգագրական շրջաններում։ Նշելով Զաքարիա Փանաբեհոյու տվյալներից, կարելի է մտածել, որ այն բավական բարձր է եղել նաև Արարատյան երկրում։ Ըստ նրա հաղորդման Բուրսայում մահացած կարրի գյուղաքաղաքի նախկին բնակիչ Հակոբյանի թողած երեք որդիների ընտանիքները «ամենեքեանե կան միարան անելի քան 1» (30) ի միում տան, արու և էգ։ Եւ աւագ որդի Տովմաթ-բեկին պարոն Այվազ էր գլխաւոր ամենեցունցն» (Զաքարիա ստրկաւագ. նշվ. աշխ., հ. 2, էջ 132)։ Նսան բազմաթիվ տվյալներ կան հայկական ձեռագրերի հիշատակարաններում։ Պետրոս Պետիկե նախնիների հայ կաթոլիկ համայնքի եպիսկոպոսանիստ Ապարանք գյուղում յուրաքանչյուր տանը հաշվում էր «քսան, տասնհինգ, տաս իսկ ամենաքիչը՝ հինգ հոգի» (Bedik Petrus. Cehil Sutun. Viennae, 1678, p. 379)։

<sup>34</sup> И. Шопен. Исторический памятник состояния Армянской области в эпоху ее присоединения к Российской империи. СПб., 1852, с. 468, 543—544)։

<sup>35</sup> Գ. Յ. Յոսեփ, 33. 7; հմտ.՝ А. Р. Мюхлисаян, П. Арутюнян. Армения.—В кн.: Очерки истории СССР. Период феодализма. Россия во второй половине XVIII в. М., 1956, с. 738)։

<sup>36</sup> Դը լա Բուլե լը Գուլի աշխատությունը (Les voyages et observations du Sieur de La Boullaye Le Gouz, gentil-homme angevin. Paris, 165), որտեղ նա անդրադառնում է իր այս այցին, ձեռքի տակ չունենալու պատճառով չենք քննում։ Համառոտ վերապատմումը տե՛ս М. И. Тамашев. Путешествия де-Лабулэ де-Гуза по Азии.—Кавказский вестник, Тифлис, кн. XV, № 3, март, 1901, с. 44—60)։

XIV-ին հասցեագրած իրենց նամակում հաղորդում են, թե Երևանի «բերդում, ինչպես քաղաքում, կան մեծ քանակությամբ հայեր»<sup>37</sup>:

Հայ բնակչության թվական գերակշռությունը քաղաքում ևս մեկ անգամ արձանագրված է 1670-ական թթ. Երևան այցելած հոլանդացի վաճառական Յա. Ստրեյսի կողմից. «Երևանը բնակեցված է մեծ մասամբ աղքատ հայերով»<sup>38</sup>: Ըստ ֆրանսիացի ճանապարհորդ Շարդենի վկայության 1673 թ. «Հայաստանի մայրաքաղաք» Երևանի բերդում եղած 800 տներում ապրում էին «բնիկ պարսիկներից» կազմված 2 հազարանոց կայազորը և փոքրաթիվ առևտրաբարձհետաքրքիր տարրը՝ բաղկացած հայերից<sup>39</sup>:

Թե 1639 թ. հետո ընկած համեմատաբար երկարատև խաղաղ ժամանակահատվածը ինչքան էր ազդել քաղաքի բնակչության թվի ավելացման վրա, կարելի է դատել Ոսկան վարդապետի մի վկայությունից, որի համաձայն արդեն 1670-ական թթ. քաղաքում հաշվվում էր 4 հազար տուն<sup>40</sup>:

Երևանում բնակչության թվի որոշ փոփոխություններ տեղի ունեցան 1679 թ. հունիսի 4-ից սկսված մի շարք կործանարար երկրաշարժերի հետևանքով: Ժամանակակից և ականատես Գրիգոր Երևանցու վկայությամբ «ի սաստկութենէ շարժին բլաւ քաղաքն Երևան հանդերձ բերդով և պարսպաւ, կործանեցան տունք և ապարանք գեղեցկաշենք, քակեցան եկեղեցիք և վանորայք», իսկ «մեռելոցն ոչ գոյր թիւ»<sup>41</sup>: Զաքարիա Ագուլեցու վկայությամբ «Երևանայ բերթն, խանի տներն, թէ համամ, թէ մաշիթ, թէ մինարէ, ամէն վեր եկավ: Մինչի Ը, Թ (8, 9) օրի հողի տակի մեռել ին հանում: Տուն կեր մին Ս, Ը, Թ (5, 8, 9) ջան մեռավ»<sup>42</sup>: Աղբյուրների համաձայն երկրաշարժին զոհ գնաց Երևանից և նրա շրջակա բնակավայրերից մոտ 8 հազար հոգի<sup>43</sup>:

<sup>37</sup> Etat de la Perse en 1660, par Raphaël du Mans, p. 302 («Il y a dans le chateau aussi bien que dans la ville [d'Erlvan], quantité d'Arméniens»): Ա. Գ. Հովհաննիսյանը (Դրվաղներ հայ ազատագրական մարտի պատմության. դերք երկրորդ: Երևան, 1959, էջ 177, 178), quantité d'Arméniens արտահայտությունը թարգմանել է «որոշ քանակությամբ հայեր», որ ճիշտ է: Իմաստային առումով ավելի մոտ է Հ. Անասյանի «ստվարաթիվ հայեր» թարգմանությունը (տե՛ս Հ. Անասյան. XVII դարի ազատագրական շարժումներն Արևմտյան Հայաստանում: Պատմական հետազոտություն. Երևան, 1961, էջ 154—155):

<sup>38</sup> Я. Я. Стрейс. Три путешествия. Перевод Э. Бородинной, ред. А. Морозова. М., 1935, с. 224.

<sup>39</sup> Voyages du Chevalier Chardin en Perse, et autres lieux de l'Orient. Amsterdam, t. I, MDCCXXXV (1735.) p. 211—212 Հենվելով Արեւելքից կ-թուիկ քարոզիչների ուղարկած հաղորդումների վրա, բերդում մահմեդական մեծամասնության կողքին փոքրաթիվ հայ բնակչություն է արձանագրում նաև ճիզվիտների կենտրոնի ընկալարներից Թ. Շ. Ֆլորիսն. (Etat présent de l'Arménie, tant pour le temporel que pour le spirituel. Avec une description du pays et des moeurs de ceux qui l'habitent par le père Th. Ch. Fleurlau. Paris, 1695, p. 216). Ջրնկալելով, որ այս տեղեկությունը վերաբերում է միայն բերդին, կակաշի և Տեհտանդերի ուղեգրությունը ծանոթագրելիս այն ողջ քաղաքի վրա է տարածել հայտնի արևելագետ Շ. Շեֆերը: (let Persicum ou description du voyage en Perse entrepris en 1102 par Étienne Kéresch de Zalcnkimir. Traduction publiée et anotée par Ch. Schéfer. Paris, 1877, p. 117, note (50).

<sup>40</sup> Histoire critique de la creance et des coutumes des nations du Levant. Publiée par le Sr. de Monl. Francfort, 1684, p. 210. Հմտ. Ա. Գ. Հովհաննիսյան. Դրվաղներ, գ. 2, էջ 361:

<sup>41</sup> Մանր ժամանակագրություններ, XIII—XVII դդ., կազմեց Վ. Հակոբյան. հ. 2, Երևան, 1956, էջ 279: Հմտ. Ն. Ակիսյան. Հին Երևանը (գրախոսություն Եր. Շահազիզի «Հին Երևանը» աշխատության).—«Հանդես ամսօրյա», Վիեննա, 1934, № 5—7, մայիս-հուլիս, էջ 336: Մայր ցուցակ ձեռագրաց սրբոյ Յակոբեանց, կազմեց Ն. արք. Պողոսեան, հ. 7, Երուսաղեմ, 1974, էջ 108—109:

<sup>42</sup> Զաքարիա Ագուլեցու օրագրությունը. Երևան, 1938, էջ 143:

<sup>43</sup> Վ. Ստեփանյան. Երկրաշարժերը Հայկական լեռնաշխարհում և նրա մերձակայքում. Երևան, 1964, էջ 80—81: Որ այդ 8 հազար հոգին պետք է հիմնականում հայեր լինեին,

Քաղաքի ունեցած կարևորագույն ռազմաստրատեգիական գիրքն էր պատճառը, որ պարսկական կենտրոնական իշխանությունների կողմից հապճեպորեն վերացվեցին երկրաշարժի պատճառած վնասները, իսկ հայերին կարգազրկեց վերականգնել իրենց փլված տներն ու եկեղեցիները:

Երևանի բնակչության էթնիկական կազմի ուսումնասիրման համար կարևոր արժեք են ներկայացնում երկրաշարժից 20 տարի անց Երևանում եղած Իսրայել Օրու տեղեկությունները: Օրու մոտ Երևանի նկարագրությունը առաջին անգամ հանդիպում է 1669 թ. սեպտեմբերի 22-ին Պֆալցի կուրֆյուրստին ներկայացրած Հայաստանի ազատագրության իր ծրագրում («Պֆալցյան ծրագիր»)՝ Ա. Հովհաննիսյանի կարծիքով «Օրին տարբերանշում է Երևանի բերդն ու բուն քաղաքը: Վերջինիս բնակիչները բացառապես հայեր են, բերդում՝ հիմնականում՝ ռուսներն են»<sup>44</sup>: Հայերից լինում են այդտեղ միայն փողերանոցի և զինանոցի արհեստավորները, որոնց թիվը երեք հարյուր մարդուց շատ չէ: Բերդում նստող խանն ունի մոտ 200 զինվոր»<sup>45</sup>: Երևանի այս նկարագրությունը Օրին կրկնում է 1701 թ. հուլիսի 25-ին Մոսկվայում, դեսպանական ատյանում, Հայաստանի ազատագրության իր «Մոսկովյան ծրագրում»<sup>46</sup>: Այս փաստաթղթում ևս նրա կողմից հստակ տարբերակվում են բերդն ու բուն քաղաքը: Մեզ հետաքրքրող հարցում միակ էական փոփոխությունն այն է, որ այժմ Օրին իր նոր ծրագրում բուն քաղաքում հայ ազգաբնակչության մեծամասնության կողքին ցույց է տալիս նաև 200 տուն մահմեդականություն, որն իր նախորդ նկարագրության մեջ բացակայում էր<sup>47</sup>:

Իր «Մոսկովյան» ծրագրում Օրին հնարավոր էր համարում քաղաքի գրավումը «առանց դժվարությունների», քանի որ հայերը այնտեղ մեծամասնություն էին կազմում<sup>48</sup>:

Եթե քաղաքի էթնիկական կազմի մասին Օրու հաղորդումը հակասության մեջ չէ ալլ աղբյուրների հետ և արժանի է լիակատար վստահության, ապա որոշ տարակարծությունների տեղիք են տալիս նրա տվյալները բերդի կայազորի (200 մարդ) վերաբերյալ: Վերևում ցույց տրվեց, որ XVII դարում Երևանի բերդի կայազորը համարյա միշտ կազմել է 2—3 հազար մարդ: Սակայն, ըստ որոշ տեղեկությունների, այդ կայազորը մշտապես բերդի ներսում չէր գտնվում: Խաղաղ ժամանակ «զորքի մեծ մասն ապրում էր քաղաքից դուրս՝ գյուղերում»<sup>49</sup>: Ուրեմն պետք է կարծել, որ Օրին հավանաբար նկատի ուներ խանի կողմից մշտապես պահվող բերդապահ կայազորի փաստական թիվը, ալլ ոչ թե նրա տրամադրության տակ եղած զորքի այն նվազագույն քանակը, որ առաջին իսկ կանշով հավաքվում էր բերդի պարիսպների մեջ<sup>50</sup>: 1701 թ.

վկայում է այն փաստը, որ երկրաշարժերից, համաճարակներից և ալլ արհավիրքներից (մորեխի հարված) տուժում էր գլխավորապես նստակյաց բնակչությունը:

<sup>44</sup> Г. А. Эзов. Сношения Петра Великого с армянским народом. Документы. СПб., 1898, док. 9, с. 28—44.

<sup>45</sup> Ա. Հովհաննիսյան. Դրվագներ..., գիրք 2, էջ 361, Հմմտ. Г. А. Эзов. Указ. соч., с. 33—34.

<sup>46</sup> Այս փաստաթուղթը հրատարակություններում ունի հետևյալ վերնագիրը՝ «Памятная запись Ори» (Г. А. Эзов. Указ. соч., док. 43, с. 85—91; Հմմտ. Армяно-русские отношения в первой трети XVIII века. Сборник документов. Под ред. А. Г. Иоаннисяна. Т. II. ч. I, Ереван, 1964, док. 85, с. 210—216).

<sup>47</sup> Г. А. Эзов. Указ. соч., с. 88; Армяно-русские отношения, с. 213.

<sup>48</sup> Ուշագրավ է, որ նույն փաստաթղթում խոսելով Թավրիզի մասին, Օրին գտնում էր, որ այն գրավելու համար մեծ զորք է հարկավոր, քանի որ «кругом его христиан немного» (Армяно-русские отношения. с. 213—214).

<sup>49</sup> Raphael du Mans. Op. cit., appendice XXII, p. 301 et suiv.

<sup>50</sup> Հետաքրքիր է, որ նույնիսկ XVIII դարի առաջին քառորդի վերջին, ընկած դեպի Երևան թուրքական նախապատրաստվող արշավների ահապահներին, աղբյուրները արձանագրում

օգոստոսի 8-ին «պարսկական Հայաստանի մայրաքաղաք» Երևան այցելած Տուրնեֆորի վկայության համաձայն, բերդապահ կայազորը բաղկացած էր 800 ընտանիքից կամ 2500 մարդուց<sup>51</sup>։ Պարսկաստանի կենտրոնական իշխանությունները, նկատի ունենալով քաղաքի ռազմաստրատեգիական կարևորագույն դիրքը, հրեք չէին փոքրացնում այս զորքի բանակը։ XVIII դարի առաջին քառորդում կազմված պարսկական պաշտոնական աղբյուրներից մեկի՝ «Թագքիրաթ ալ-մուլուքի» տվյալներով, նշված զարի սկզբին, սեֆյան Իրանի վիլայեթների բեկլարբեկներից (խաններից) ոչ մեկը չունեի այնքան անձնական զորք, ինչքան Երևանի բեկլարբեկը<sup>52</sup>։

| Վիլայեթներ                     | Բեկլարբեկի անձնական զորքերի թիվը (մարդ) |
|--------------------------------|-----------------------------------------|
| Թավրիզ . . . . .               | 900                                     |
| Զուխուր-Սաադ (Երևան) . . . . . | 2860                                    |
| Ղարաբաղ . . . . .              | 1430                                    |
| Շիրվան . . . . .               | 2581                                    |
| Հերաթ . . . . .                | 2682                                    |
| Մաշհադ . . . . .               | 670                                     |
| Ղանդահար . . . . .             | 1123                                    |
| Մերվ . . . . .                 | 2352                                    |
| Աստարաբադ . . . . .            | 1503                                    |
| Համադան . . . . .              | 700                                     |
| Քուրդիստան . . . . .           | 1000                                    |
| Ֆարս . . . . .                 | 2000                                    |

Քաղաքի էթնիկական կազմի մասին Իսրայել Օրու հաղորդումները ևս մեկ անգամ հաստատվում են 1700 թ. մարտի 10-ին Երևան այցելած գերմանացի ճանապարհորդ Գասպար Շիլինգերի վկայություններով։ Նրա տեղեկության համաձայն «[Երևան] քաղաքի (Stadt) ներսում ապրում են միայն պարսիկներ։ Քաղաքի շատ ավելի մեծ արվարձանում (Vorstadt), սակայն, ապրում են մեծ մասամբ հայկական դավանանքի շատ քաղաքացիներ (Bürger) և համաքաղաքացիներ (Mit-Bürger), արհեստավորներ, առևտրականներ, որոնք իրենց ժամերգությունը կատարում են տարբեր եկեղեցիներում և որի համար էլ պարսիկներին հարկ են վճարում»<sup>53</sup>։ Գ. Շիլինգերի նշած «քաղաքը» (Stadt)

են. «Ցարեան առկար փախ կայ» (տե՛ս ժամանակագրության Պետրոս դի Սարգիս Դիլանէնցի.— «Կոռնկ Հայոց աշխարհին», Տփլիս, 1863, թիւ 9, էջ 204, § 122)։

<sup>51</sup> P. de Tournafort. Relation d'un voyage du Levant. T. III, Lyon, 1717, p. 198. Տարակարծությունների տեղիք է տալիս Պ. Լուկայի այն հաղորդումը, թե բերդում հայ փոքրամասնության (առևտրականներ ու արհեստավորներ) կողքին ապրում են կայազորի 5 հա.ար անգամ։ Երևանի բերդում այդքան մարդ հավաքվում էր հիմնականում պատերազմի ժամանակ։ Լուկայի հաղորդած թիվը, անկախ այն հանգամանքից, որ այն չի հաստատվում այլ աղբյուրներով, վերաբերում է ոչ թե բերդում մշտապես պահվող կայազորին, այլ ողջ խանության զորքին (Voyage du Sieur Paul Lucas au Levant. T. II, Paris, 1714, p. 254, 260).

<sup>52</sup> Տե՛ս Tadhkirat al-mulūk, a manual of Safavid administration. Persian text in facsimile, with Translation and Commentary by V. Minorsky (E. J. W. Gibb Memorial Publications, New Series, vol. XVI). London, 1943, p. 100—105. Ա. Հովհաննիսյանի աշխատության մեջ (Դրվագներ..., գիրք 2, էջ 361) նույն աղբյուրից վերցված Երևանի բեկլարբեկի զորքերի քանակը 2860-ի փոխարեն վրիպակի պատճառով դարձել է 2660։

<sup>53</sup> G. Schilling. Persische und Ost-Indische Reise. Nürnberg, 1716, S. 118 («Innerhalb dieser Stadt wohnen fast lauter Persianer; in der gar grossen Vor-

քերզն է, իսկ բուն քաղաքը նրա մոտ հանդես է գալիս որպես «արվարձան» (Vor-Stadt): Շիրինգերի կողմից այս երկու հասկացությունների տարբերակումը պարզվում է նրա իսկ հաղորդումից, թե «արվարձանը տասն անգամ ավելի ընդարձակ և մարդաշատ է, քան ներքին քաղաքը (Stadt)»<sup>64</sup>:

XVIII դարի սկզբին կաթոլիկ քարոզչության առաքելությանը Յրեան եկած ճիզվիտական միաբանության անդամ Մոնիեի վկայությամբ՝ «քաղաքը (ville), որն ավելի շատ ողողված է պարտեզներով և խաղողի այգիներով, քան տներով, դրսից շրջափակված է կրկնակի պարսպով: Կարելի է հաշվել մոտ չորս հազար բնակիչ: Հայերը կազմում են միայն մեկ քառորդը, շնայած որ նեն չորս եկեղեցի»<sup>55</sup>:

Վկայությունից հետո էլ, երևում է, որ, խոսքը բացառապես բերդի բրնակչության մասին է: Նախ՝ բուն քաղաքում բնակչության ընդհանուր թիվը, երբեք այդքան փոքր չի եղել, երկրորդ՝ և ամենակարևորը՝ խոսքը Յրեանի ադրսից կրկնակի պարսպով շրջափակված՝ հաստվածի մասին է, որն անկասկած բերոն է, քանի որ քաղաքը պարսպապատ չէր<sup>56</sup>:

Stadt aber viel Kauff-Leuth, Handwercker, Burger und Mit-Bürger, meistens Armenischer Religion, die ihren Gottes-Dienst in mehreren besonderen Kirchen verrichten und denen Persern darumb den Tribut geben<sup>\*)</sup>. *Տէրալ Տառվածով, բարգաւաճներն և առաքաղաքացիներն տակ ճամպադասխանարար պետք է հասկանալ ընդհանրակ և բուն բարաքի տնիքին*

<sup>55</sup> Nouveaux memoires des missions de la Compagnie de Jesus dans le Levant. T. III, Paris, MDCCXXIII (1723), p. 37. Այլ հրատարակությունը տե՛ս եւրոպական պատկերասրահում։  
T. III, Paris, MDCCXXX (1780), p. 25.

<sup>57</sup> Il e Mamyre-Ciairacj. Histoire de Perse, depuis le commencement de ce Siècle. Paris, t. II, MDCCL (1750), p.<sup>e</sup> 154. *Ἰστορία τῆς Περσίας ἀπὸ τῆς ἀρχῆς τοῦ αἰῶνος*. Grand dictionnaire universel du XIX<sup>e</sup> siècle. Paris, t. IX, p. 1070.

դամներ Ֆլորիոյի, Յ. Կրուշինսկու<sup>58</sup>, Մոնիեի և ուրիշների իր ժամանակ արդեն տպագիր աշխատությունները: Տեքստերի համեմատական քննությունը ցույց տվեց, որ Մամի-Կլերակը Երևանի բնակչության վերաբերյալ իր տեղեկությունները վերցրել է Մոնիեի աշխատությունից: Զուգահեռ բերում ենք համապատասխան հատվածները.

## Մ Ո Ն Ի Ե

„La ville (d'Erivan) est au-dessus enfermée d'une double muraille, plus remplie de jardins & de vignes, que de maisons. On y compte environ quatre mille ames. Les Armeniens n'en font que la quatrième partie, & ont cependant quatre Eglises <sup>59</sup>. (Քաղաքը, որն ավելի շատ ողողված է պարտեզներով և խաղողի այգիներով, քան տներով, դրսից շրջափակված է կրկնակի պարսպով: Կարելի է հաշվել մոտ չորս հազար բնակիչ: Հայերը կազմում են միայն մեկ քառորդը, ընայած ունեն չորս եկեղեցի):

## ՄԱՄԻ-ԿԼԵՐԱԿ

„La ville (d'Erivan) est enfermée d'une double muraille & plus remplie de jardins & de vignes que de maisons. Les Arméniens formoient alors le quart de ses habitants.<sup>60</sup>

(Քաղաքը, որն ավելի շատ ողողված է պարտեզներով և խաղողի այգիներով, քան տներով, շրջափակված է կրկնակի պարսպով: Հայերն այն ժամանակ կազմում էին բնակչության մեկ քառորդը):

Մոնիեի վկայությունը Մամի-Կլերակի կողմից ոչ միայն օգտագործվել, այլև որոշ չափով նաև խմբագրվել է: Երկու տեքստում էլ խոսքը բացառապես բերդի մասին է, ուր կայազորի անդամների կողքին արդեն հաշվվում էր հազար հայ բնակիչ: Մամի-Կլերակի հաղորդումը, իր սկզբնաղբյուրի նման, ուսումնասիրողների կողմից թյուրիմացաբար վերագրվել է բուն քաղաքին: Ա. Հովհան-Իսայանը, որն ամենևին էլ խնդիր չէր դրել քաղաքի բնակչության էթնիկական կազմի ուսումնասիրությունը, վկայակոչելով միայն Մամի-Կլերակի աշխատությունը, գրում է. «Աղբյուրների տվյալներով հայերը կազմում էին Երևանի քաղաքի բնակչության քառորդ մասը, իսկ աղբյուրներից ենթադրվում էր, որ նման կարծիքը հիմնավորվել է:

XVIII դարի առաջին քառորդի վերջում թուրք ռազմականների կողմից Երևանի պաշարման և հայ ազգային-ազատագրական պայքարի կարևոր օղակներից մեկը հանդիսացող՝ Երևանի հայ ազգաբնակչության զինված ինքնապաշտպանության նկարագրությունները ևս մեկ անգամ հաստատում են նախորդ շրջանի աղբյուրների վկայությունները, թե հայ բնակչությունը բուն քաղաքում բացարձակ մեծամասնություն էր կազմում:

<sup>58</sup> [Du Cerceau]. Histoire de la dernière révolution de Perse par le père Y. Krusinski. T. I—II, Paris, 1728—1742. Հմտ. Մ. Զուլայան. Նշվ. աշխ., էջ 35—36.

<sup>59</sup> Nouveaux mémoires..., t. III, p. 37; Lettres édifiantes..., t. III, p. 25.

<sup>60</sup> [Le Mamey-Clairac]. Op. cit., p. 154.

<sup>61</sup> «Армяно-русские отношения». Т. II, ч. I, Историческое введение, с. LXXVII. Վկայակոչելով Ա. Հովհաննիսյանին, նույնը կրկնում է Ս. Մամեդովը (նշվ. աշխ., էջ 83):

**ДИНАМИКА ЧИСЛЕННОСТИ И ЭТНИЧЕСКОЙ СТРУКТУРЫ  
НАСЕЛЕНИЯ ЕРЕВАНА В 1600—1724 гг.**

**М. М. КАРАПЕТЯН .**

**Резюме**

Для комплексного исследования этнополитической и социокультурной истории средневековой Армянской Республики важное значение имеет исследование динамики этноконфессиональной структуры городского и сельского населения. При изучении этноконфессиональной структуры населения Еревана исследователями не учитывались структурные особенности средневекового города, выражающие его общественные функции; сведения, относящиеся к самому городу, часто приписывались крепости, и наоборот. Изучение источников (Аракел Даврижец, Закария Канакерци, Искандар Мунши, Кятиб Челеби, Эвлия Челеби, де Ла Бузэ ла Гуз, де Лален, Р. дю Ман, Тавернье, Я. Стрейс, Шарден, Сансон, Турнефор, Исраэл Ори, Шиллингер, Монье, Мами-Кларак и др.) показало, что в XVII в. численность населения Еревана составляла примерно 17—20 тыс. человек, в подавляющем большинстве это были армяне. В крепости города стоял гарнизон, состоявший из персов, тюрок, курдов и армян.